

Na osnovu člana 8. Zakona o posredovanju u zapošljavanju i socijalnoj sigurnosti neuposlenih osoba («Službene novine Federacije BiH», broj 41/01, 22/05 i 9/08), člana 5. Zakona o izmjenama i dopunama Zakona o osnivanju Javne ustanove Služba za zapošljavanje Tuzlanskog kantona (Službene novine Tuzlanskog kantona, broj; 8/2014), i člana 19. Statuta JU Službe za zapošljavanje Tuzlanskog broj: 01-07-4/01 od 28.12.2001. godine, uz prethodno pribavljeno mišljenje Ministarstva za rad, socijalnu politiku i povratak Vlade Tuzlanskog kantona broj: 09/1-02-018956/14 od 02.09.2014. godine, Upravni odbor JU Službe za zapošljavanje Tuzlanskog kantona sjednici održanoj dana 18.09.2014. godine,

d o n o s i

ODLUKU

O IZMJENI I DOPUNI STATUTA JU SLUŽBA ZA ZAPOŠLJAVANJE TUZLANSKOG KANTONA

Član 1.

Član 18. stav 2. mijenja se i glasi:

« Upravni odbor se sastoji od predsjednika i dva člana i čine ga dva predstavnika osnivača i jedan predstavnik stručnih radnika zaposlenih u Službi za zapošljavanje».

Član 2.

Član 19. mijenja se i glasi:

„Upravni odbor:

- donosi Statut i druge opće akte u skladu sa zakonom;
- donosi pravilnik o radu Ustanove,
- predlaže promjenu i proširenje djelatnosti;
- predlaže promjenu naziva Službe;
- donosi finansijski plan i godišnji obračun po postupku i rokovima utvrđenim Zakonom i posebnim općim aktom.
- utvrđuje godišnji program rada;
- pokreće inicijative prema nadležnim insitucijama u Kantonu kojima se brže i efikasnije rješava problem nezaposlenosti,
- usvaja program rada i izvještaje o radu, kao i izvještaje o izvršenju finansijskog plana, sa prijedlozima mjera Službe,
- odlučuje o korištenju sredstava u slučajevima utvrđenim općim propisima i aktima Službe;
- donosi odluke u drugom stepenu u predmetima u kojima se odlučuje o pravima, obavezama i odgovornostima zaposlenika iz radnog odnosa;
- imenuje i razrješava direktora Službe, uz saglasnost Vlade kantona u skladu sa Zakonom;
- rješava sva pitanja odnosa sa osnivačem;
- preduzima mjere za osiguranje jedinstvenog informacionog sistema u djelatnosti zapošljavanja,
- po potrebi imenuje komisije i druga radna tijela,
- donosi poslovnik o svom radu;
- obavlja i druge poslove utvrđene općim propisima, aktima osnivača, Statutom i drugim općim aktima Službe, te poslove koji po svojoj prirodi i značaju spadaju u nadležnost Upravnog odbora.

Član 3.

U članu 21. stav 3. mijenja se i glasi:

„Konkurs za imenovanje direktora Službe mora biti objavljen najkasnije dva mjeseca prije isteka mandata.

Konkursni postupak provodi konkursna komisija od 5 (pet) članova i to 2(dva) iz reda uposlenih i 3(tri) određena aktom resornog Ministarstva Vlade Tuzlanskog kantona.

Direktor službe je u radnom odnosu u Službi, u kojoj ostvaruje prava i obaveze iz radnog odnosa, ako zakonom nije drugačije propisano.

Prava i obaveze direktora Službe reguliraju se ugovorom o radu, koji u ime Službe potpisuje predsjednik Upravnog odbora.

Član 4.

U članu 25. alineja 13 riječ „u zemlji“ se briše.

Član 5.

Iza člana 26, naslov tačke „3.Nadzorni odbor „ se briše a stoji „3. Interna revizija“.

Član 6.

Član 27. se mijenja i glasi:“ U Službi se formira jedinica interne revizije u skladu sa važećim propisima.

Opis poslova i nadležnosti će se regulirati odgovarajućim provedbenim propisima“.

Član 7.

Član 35 se briše.

Član 36. postaje član 35. i dalje kako slijedi.

Član 8.

Odluka o izmjenama i dopunama Statuta JU Služba za zapošljavanje TK stupa na snagu danom donošenja, a primjenjivat će se nakon dobijanja saglasnosti od strane Vlade TK.

Broj: 01-07-4/01-13/14
Datum: 18.09.2014. godine



PREDSJEDNIK
UPRavnog ODBORA

Mirsad Bajramović
Mirsad Bajramović